

井  
福  
堂  
文  
稿

井福堂文稿序

人生而靜天之性也聖人主靜以立人極而身心性命之理家國天下之故無不具備建之為事業發之為文章脊梁是吾友汪庶子以靜庵自號其學蓋得於靜者也吾即以其文知之或謂庶子天才俊逸厯金門而上玉堂詞華絢爛聲稱籍甚疑非一於靜者不知動與靜相表裏乾坤之道一翕一闢一專一直非靜無以為動也靜者其體動者其用自古大儒之學未有有體而無用者生平事業文章炳耀當世而實皆根極於靜方

子盛壯之年銳意功名駿利風發回翔館閣之地一時大著作多出其手人推為漢之揚班唐之燕許迨中年以後詣造平澹屏謝塵韁如山閒老尊宿清齋禪誦形容甚臞其所著述亦俱斂華就實布帛菽粟之文足以扶世翼教而尤邃於易進退存亡治亂盈虛之旨率多先喆所未及其原靜一篇以為何動非靜離靜言動固有紛紜馳逐之失離動言靜亦不免虛寂凝滯之病善哉言乎其所得於靜者至矣故其文亦至矣庶子以疾乞歸杜門卻掃者十年遇

聖天子新政咨訪英賢六臣薦起

名修

純廟實錄受

特達之知一歲三遷列班侍從殆靜極而動之機也若其志存恬退旋賦遂初則所謂復歸有靜者耶予與庶子同年友同官京師交竇久亦竇契庶子重赴闕廷適予將告歸洎庶子歸而予又在武林未及相見已何而遽歿矣今子文軒樞曹以編刻文稿請序於予詫不獲辭爰申其本於靜者如此當亦靜厓之意也抑予讀

稿中井福銘而有會焉夫井靜象也淵深者靜之體汲而養者靜之用也井冽寒泉德修於身而福自致豈徒文詞云爾哉又豈徒子孫蒙福已哉

嘉慶十年秋九月年愚弟元和馮培拜序

井福堂文稿目錄

卷一

駢體文二十首

卷二

駢體文六首

卷三

駢體文十一首

卷四

駢體文十七首

卷五

駢體文十二首

卷六

散體文十五首

卷七

散體文二十一首

卷八

散體文二十二首

卷九

散體文十八首

卷十

散體文二十一首

井福堂文稿卷一

鎮洋 汪學金 敬箴

恭擬乾隆四十三年

聖駕祇詣

盛京恩詔

皇帝詔曰不基永念夫紹庭駿烈莫隆於開國奉先必  
合尊親而致孝追遠乃準疏數以盡誠皇矣盛京大哉  
光宅長發誕靈於朱果初生衍盛於白山國家天作之  
區

卷十一  
祖宗王基之地洪惟

一人首出

兩聖心傳既全付以有家遂肇造我區夏定藩遼而卜  
吉規山海以宅中利我後人昭茲來許朕纘承舊服曠

綱

前寧瞻

玉殿之風雲感

珠邱之霜露

音容如在悽愴難忘御丹毫而恭賦留都披

實錄而詳徵往事每念

勤勞於櫛沐時親聞見於羹牆矧茲九寓歸心八紘在  
宥玉河置驛雪嶺銷兵永席洪庥懋膺  
靈貺撫此車書之大一統仰惟

弓劍之垂萬年爰命臺吏戒塗祠官備物法

皇祖三朝之駕而寅紹孫謀積貌躬二紀之忱而虔申  
孺慕陳犧薦幣十九年成例可循罷獮停酺廿七月餘  
哀未輟諭辰京邑將事

橋山祇謁

永陵

福陵

昭陵大禮告成孝思既展

鼎湖載覲怕嚴

陟降於欒挺松牖重臨益切仔肩於堂構廣宣

禋惠敬播德音所有應行事宜開列於後於戲溯鴻功  
於締造邠岐開百世之祥迓景福於綿洪豐沛普十行  
之賜布告天下咸使聞知

恭擬乾隆四十五年

七旬萬壽恩詔

皇帝制曰大造澤物於春和郅治同民於仁壽建極著  
斂時之訓履端詳浹日之文朕祇紹鴻圖誕承

昊眷懋體乾而無逸厯保泰以彌慶撫金甌則六合為  
家調玉燭而四時協叙惟

祖宗深仁累洽億萬世無疆惟休際國家篤祜方將予  
一人永膺多福皇猷於鑠萬祿延洪粵乾隆四十五年  
為朕躬七旬萬壽紀瑞叶由庚之義含元肇開子之機

綏屢歌豐王省惟歲康強徵吉

帝錫以齡綿景覩於珍符自今伊始稽大年於系牒在古為稀祝釐禮飭除繁錫羨典宜從渥既籲俊蠲租而廣惠復省方巡岳以推恩星雲呈復旦之華大酺臚頌雨露普周天之澤渙汙均施紀國慶於方來嗣申午辰寅而疊舉答

天庥之滋至暨東西南朔以優沾韶序初開德音式沛所有應行事宜開列於後於戲軫輿情之愛戴嵩呼傳萬歲之聲錫慶典以駢蕃月吉播十行之詔布告天下

咸使聞知

恭擬

封闡教禪師通理勅文

三乘說妙布花雨於諸天四諦觀空現鬢雲於初地懸  
法門之寶炬必通定慧之關結願海之真香已入聲聞  
之座宜申渥典用獎清修爾通理不昧前因克參正覺  
皇畿毓秀紹尊宿之薪傳禁籞承恩受都綱之印錄侍  
佛樓而合掌曾依丹地之班直經館以齋心旋荷紫衣  
之賜自溯真如於臨濟月鏡澄源近皈勝果於須彌風  
旛契旨深嘉梵行特予褒封茲以爾為闡教禪師錫之

勅印爾其勉闡宗風勤宣法教駐祥輪於臘度者齡符  
老壽之名示慈筏於春浮淨業注維摩之字永承國慶  
益懋僧祇

恭擬

封內大臣弘晉輔國公誥命文

義隆惇叙推恩彰均逮之施典懋榮麻篤慶渥疏封之澤爰稽宗籍載賁彝章爾內大臣弘晉地備周親誼聯近屬勗益愆於後嗣遞錄崇班廣錫類於

前寧彌矜耄齒追念本支之具邇申言爵秩之宜優茲用封爾為輔國公錫之誥命於戲溯銀潢而辨等期襄袞繡之儀披玉牒以釐懷勉荷絲綸之寵敬承嘉命益勵懿修

恭擬

封貝子允祁貝勒冊文

輝聯寶萼懿親承藩服之光派衍璇源懋典篤宗盟之慶爰咨舊德載沛新綸爾貝子允祁毓器溫醇宅躬端謹履露霜而將事久著成勞溯水木以推恩先敦近屬克荷榮名於三錫宜膺嘉命之重申茲用晉封為貝勒錫之冊命於戲誼隆親貴聿確立愛之思爵錄耆賢用弼興仁之教庶守國常而勿替期延世澤以無疆勗爾令聞茂茲顯號

恭擬嘉慶四年

孝淑皇后歲暮祭文

星軒汁緯闕晨彩於珠躔月殿飛輪駛歲華於玉琯內  
令數書形之典懿範猶存太常申享臘之儀明禋載告  
惟

孝淑皇后質秉安貞德昭恭儉應坤元而章美吉叶中  
黃饗辰極以流輝祥符太紫憶問安

松牖廿年同聽雞鳴洎正位椒庭一載遽昇鶴馭慶衍  
表螽麟之瑞慈裕陔除福綏流穆葛之恩仁孚壺拔每

念嗣音雅度撫時之追悼良深况銜在疚哀思觸緒之  
交繁倍切於戲奉膚麻於

天上長侍

怡愉繡翬翟於宮中獨增悽惋三幕倏嬗宜春之牋帖  
成塵九醞空陳錢歲之樽盤在御庶其歆格式是苾芬

恭擬嘉慶五年

裕陵中元祭文

撫幽圖於

堂構載朞逢流火之辰追

軒駕於

山陵永慕啓履霜之序氣佳蕙欝望栢路以含淒禋妥  
苾芬薦蘭盆而蠲潔欽惟

皇考高宗純皇帝

德被無疆

謨垂不顯洋洋乎在其上在左右峻極于

天巍巍乎有成功有文章克昌厥後

九十齡捧觴虛願屈指將臨十八月

成鼎長悲攀髯莫遠聽槁梧之初落心結

珠邱念新穀之既升情紆玉粒

前模宜守大田體寶稼殷衷成例堪循

閟殿肇馨椒令典爰攄哀而遣代因僂捷以敷陳於巖  
歷三度捨呼難已松楸留孺色之誠計九秋展謁重來  
萸菊薦仙醞之馥溯徽音於

二后瞻依之悃同申昭翊衛於萬靈

陟降之神如在仰祈

慈格

俯鑒悲忱

恭擬福建湄州

天后神廟春秋致祭祝文

著洪庥於感應恬瀾徵利賴之功答嘉祝於靈長馨薦展懷柔之典惟

神德參

昊緯福佑海疆溯有宋誕降英靈聿彰竒蹟逮我朝益宏惠濟爰奉褒稱昨以臺匪稽誅王師進勦護全營之軍舶穩渡重洋送上將之樓船駛行千里風檣疾捲俄成破竹之形露布飛傳倍覺容刀之便有若靈旗默指

俘擒盡戮鯨鯢兼之神炬遙臨翊衛偕來魚鳥迅奏鴻  
勲之耆定彌欽

顯佑之昭垂題額而御翰親摛晉封而吟篇虔誌邇據  
使臣之入對知閩省皆私祭叢祠因勅儀部以頒行念  
渭州實

神依故土用申崇報敬告明禋吉蠲二仲之辰肇修嘉  
祀懿饒千秋之號永奠炎維於戲海不揚波香火賽枮  
榆之社民皆安堵歲時陳蕉荔之歌式鑒苾芬懋昭妥  
侑

恭擬清口惠濟祠

天后春秋致祭祝文

維

神妙贊

天功靈符水德普洪施於佑助海疆實賴敉寧彰協應  
於懷柔河道兼資鞏衛惟英奇之特著實呵護之咸周  
清口惠濟祠者祇奉

明威屢邀

慈貺作兩淮之保障隄牘平成庇七省之漕儲舳艤穩

駛黃流順軌下游則虹亘無虞丹宇臨霄闔境則翬飛  
共仰念昨海氛靖逆襄耆定於鴻庸欣茲節汛安瀾荷  
洩宣於顯佑爰據河臣之入告展禋例踵湄州因勅儀  
部以頒行將祀典隆江甸於戲懿鑠永千秋之號懋晉  
褒稱古蠲宜二仲之辰肇修嘉祀式昭妥侑庶鑒苾芬

恭擬

祭天津海神廟文

惟

神量廓坤維德昭坎位控易淶而疏滄歸墟通析木之  
躔滙沾以委輸順軌奠長蘆之界自昔典崇秩祀懷  
柔職効裨瀛即今利賴安瀾豐阜功資畿輔朕翠華莅  
止紺宇式臨為紓相度之勞用答靈長之貺於戲馳軍  
聲於海島恬波已報屠鯨沐

神惠於井疆沃土毋虞罄雁庶其歆格鑒此苾芬

恭擬

祭天津淀神廟文

惟

神德應川靈位侔瀆祀畿南衍派圖經分丁字之形趙  
北驪渠紀載辨子牙之號曩歲崇祠肇建護格淀於瀛  
壠今茲清蹕重臨引安瀾於津澨念鹽漕之惠濟邀貺  
良多慶隄牖之平成報功斯最於戲籌七十二沽之水  
利洩宣永荷

神庥數一百五日之韶光遊豫無非民事用申懋典庶

鑒明裡

日本書院  
卷一  
古

恭擬

天后加增神號致祭祀文

維

神德冠川靈功參

昊緯誕英奇於宋代貞稟坤元資保障於閩疆信孚坎  
險欽茲

神力翊我皇圖湧澳泉而歡噪三軍長島水而捷騰七  
日靖逆殄鰐蛟之暴持危撫魚鳥之祥屢佐鴻勲疊彰  
偉蹟

皇考高宗純皇帝三加懿號特貴

奎章渭州展故里之祠清口踵時禋之典用以答嘉貺  
顯明威懷柔之義昭然佑助之符爍矣朕祇承嗣服篤  
念洪庥切怙冒於海隅致精誠於禁掖肇修報祀載晉  
褒稱飭典使以告虔荷波臣之効順雲旗遙指哨巡迅  
掃鯨鯢星炬高懸配渡穩移驚鸞庶幾鯢身碇固濟川  
收舟楫之功從此釐背磐安賽社錫井廬之福於戲迓  
飈車於瀛澨薦碧蕉丹荔以陳詞恬波鏡於滄流瞻翠  
羽金支之來鑒懋申妥侑溥藉靈長

恭擬

祭遼太祖文

惟帝制勝中原肇基東土奮碉戈而創業葉山揚八部之威誌金箭以抜疆葦甸控五京之勢仰英靈之如在知神武所由興朕四謁

橋山載懷陵邑溯規模於締造史牒詳臚景功德之昭垂苾芬肇祀爰循舊典特遣專官於戲闕寢長封遙望松楸之色明禋誕告用申蘋藻之儀鑒此潔蠲神其歆格

恭擬

祭豫親王文

稽舊勲於翊運推恩光復始之封延世賞於分維感逝  
備飾終之禮勤宣未沫表令範於親賢哀軫彌深副隆  
儀於惇叙重陳嘉薦用示殷懷惟玉稟潤瑤瑜升華袞  
紱綺屏藩之遺緒早播休聲溯櫛沐之成勞適追顯號  
俾司旗務用資總統之長爰掌宗盟克寄本支之重方  
冀懋膺眷注流慶澤於璿源何圖倏謝芳華掩祥輝於  
玉邸誼聯屬籍寵賁彝章於戲嗣茅社以酬庸冊府之

井福堂文稿

卷一

七

榮名勿替  
酸椒筵而述誅宗潢之渥典  
頻施式是苾芬  
庶其歆格

恭擬

祭莊親王文

輝承玉牒疏封推錫類之仁采閱金枝舉奠懋飾終之  
典眷翹材於近屬恩禮兼隆軫世美於親賢哀榮備至  
惟王溫良毓質謹恪提躬繩祖而早嗣屏藩展親而兼  
依禁闈望資表率正屬籍於天潢力著勤宣統專旗於  
星衛行營有制周陸則法駕常參典樂多能廣陞則和  
聲具奏勵在公之匪懈嘉奉職之維虔寵綏永冀夫承  
庥薄疚何期於增劇遣醫遣問溫慈屢渥於生前賜襚

賜金異數更加於身後甫聞屬纊命皇子以臨喪爰告初筵飭儀官而莅事於戲緬分茅於冊府丹綸之褒錫方新淒歌薤於宗垣朱邸之音塵竟杳靈其歆格鑒是苾芬

恭擬

祭兩江總督薩載入祀賢良祠文

封圻懋績保釐崇刑牧之班冊府垂勲報享舉明禋之  
典惟蓋臣之宣力夙眷成勞斯寵命之承休光昭令譽  
爾兩江總督薩載恪勤奉職練達程才初綴秩於藩條  
繼分符於郡守一麾表率移省垣而分飭紀綱六計廉  
能權關務而總司杼軸愆尤偶蹈甄錄旋加運籌理財  
賦之繁持節寄撫循之重惠威並濟猷守兼優朕軫念  
河渠資爾洩宣之策綏懷江甸畀爾控制之權果能仰

贊鉅工勤敷德意是用錫之世職晉以宮銜往者詢岳  
服於春巡引耆筵於晝接神明如舊毗倚方隆迺因事  
誤蓄防督畚鍤而時形憂懼遂至疾嬰勞瘁復冠輦而  
倍切恩憐星使載馳尚醫亟遣方申溫諭遽省遺章頒  
贈卹而禮備哀榮予賢良而義符名實於戲美棠陰之  
留愛三江之黎庶難忘慶桃汎之安瀾重壤之幽靈克  
慰祇承茂渥歆受苾芬

恭擬

祭大學士梁國治文

溯成勞於釣軸依光虛畫接之期眷遺範於台衡稽典  
表日宣之德惟奉職克勤於中外斯承恩靡間於初終  
爰沛褒綸用光寵薦爾東閣大學士梁國治植品端醇  
在公敬慎樞曹秘直早推徽省之英廷對親掄遂冠蓬  
山之籍典橋門而佐教巡嶺表以宣猷報績而憲府超  
遷敷文而銓卿游歷疎節偶櫻夫吏議清名無玷於官  
箴再蒞監司益釐綱紀任當繁劇理財賦於三吳職重

撫綏輯封坼於兩楚疇咨岳牧特嘉冰蘖之操簡在巖廊克濟鹽梅之用俾襄機務旋守度支尚書為喉舌之司參政乃股肱之寄密勿論思之地溫室不言文學侍從之班屬車常扈久著西清之宿望允升東閣之崇階簡注方深倚毗是切方謂浹旬休假當趨赴於鳴珂何期積歲清羸漸沈縵於屬纊遣醫遣問殷懷每繫夫生前賜秩賜金優禮彌加乎身後命皇子而遄臨奠駁詔禮官而載考彝章於戲表侑薦於馨香聽履之音容頽音緬升華於黼黻垂紳之風度猶存勿替榮施庶樂歆

受

恭擬

祭大學士蔡新文

溯成勞於帷幄師臣申眷舊之情惜奄化於林泉者宿動恩賢之誄亮節自高夫進退朝野具瞻優恩無間於始終邦家平格彝章載考奠駁斯頌爾文華殿大學士蔡新學有本原行為儀表際

龍飛之首祚應瑞臚雲踐釐禁之清班升華卿月十年乞養克遂烏私三輔持衡先徵鱣兆經筵入侍胄監兼司尚書歷五部之崇冢宰統六曹之長體高年而紓禁

轡便內直乃賜官園旋晉參知特膺真拜免卑朝待漏  
風雪戒犯嚴寒允幕齒歸休烟霞冀蠲痼疾嶺嶠表台  
垣之望江湖紫魏闕之思黃髮優游

丹毫存問祝

長庚之歲月扶杖重來占周甲之科名簪花同喜躋懸  
弧於九袞遇

授璽之初元

天錫駢蕃

奎題照耀朕睂懷舊學篤念考成甄幼子以對廷慰老

臣於在里方謂益臻彊固樂美意以延年何圖遽告淪  
殂撫遺章而追昔憶三天之啟沃風度如新慶千載之  
遭逢恩私寢渥贈加太傅錄及諸孫飭宗伯以申儀諭  
畧臣而代爵於戲式苾芬於雕俎薦荔凝丹緬翊贊於  
綸扉班槐鬱翠欽茲休寵庶克歆承

恭擬

賜謚刑部尚書德福碑文

朕惟政均溫肅法曹恩明允之才禮備哀榮恩卹表賢勞之節敷歷咸宜中外靖共靡間始終顯綺允昭貞珉是泐爾刑部尚書德福材優幹練力著勤宣早稱雲署之良游展星郎之績簡孚考最資觀察於分司風紀升華畀旬宣於劇任當輶車之奉使亟佇嘉猷洎勢輓之貽愆仍規後効賜環期代重入西曹陳臬遄行再臨南紀開楚湘之節幕爰賴撫綏督巴蜀之軍符更深毗倚

雖昧機宜於遠畧倍懷奮勵於小懲假蘭錡之散銜出蒲昌之絕域遂因藩部歸誠之請克襄邊臣坐鎮之勲往盡乃心實嘉汝績是用入司秋憲出領天囷尚書陟台斗之班都統總干城之寄授崇階而議政宿德允升修明禁以迪刑宏綱具舉成勞勿替方宏弼教之休速化堪傷爰考易名之制謚曰勤肅表厥風規於戲致身清慎所先凜朝常而不懈於位執法公平為本掌邦典而能敬其官緬爾遺徽孚茲榮號不光幽隧式樹豐碑

恭擬

賜謚大學士蔡新碑文

朕惟自朝廷以推鄉黨有達尊三兼廊廟而數山林不  
慙遺一由其誼明進退遂初之德望彌高是以禮備哀  
榮勸後之典章勿替爾贈太傅文華殿大學士蔡新秉  
姿端粹績學淵醇承鯉對以傳經應

龍飛而射策迴翔內翰登瀛則銜綴條冰簡擢貳卿愛  
日乃心榮寸草蔚成公輔望儲十稔有餘峻陟台司位  
正六官而五出持文枋入領胄筵侍采殿之講班總端

闡之訓授允升宿彥游刊華資遂參閣務以宣綸旋贊  
國釣而宅揆翼翼匪懈休休有容方依畫接之光豈避  
夜行之誚緣異林泉蠲疾詔許還山難忘禁掖涵恩情  
紓戀闕黃扉綠野

奎題照耀里門翠墨丹毫

御札聯翩驛傳冠三千叟芝壇再至週六十年蕊榜重  
逢洎夫訪落之初重以眷懷之切舊學夙嘉啟沃遺章  
遠告淪俎門規循蔡氏九儒世美濟疏家二傳景其儀  
範師資相度交推綜厥丰裁朝論鄉評克協稽之冊府

謐以文恭有勤學好問之思歸於實踐本履薄臨深之操慎乃考終懋獎成勞典極於贈階賜奠賞延後嗣澤周夫任子錄孫於戲八閩承理學之宗斯人無慚名教九袞備康彊之福奕世罔墜典型勒以貞珉永貴松楸之色表諸幽隧長留桑梓之光迪爾仍昆昭茲豐碣

井福堂文稿卷一

井福堂文稿卷一

三

井福堂文稿卷二

鎮洋 汪學金 敬箴

聖武平定兩金川大功告成雅冊謹序

乾隆四十一年春定西將軍阿桂圍噶喇依賊巢悉定  
兩金川地

皇帝詔舉告功之典二月甲寅謁祭於

東陵禮成將軍等攻克噶喇依捷音以是日達  
行在乙卯露布至具言逆首索諾木及黨屬二千餘人  
悉就擒獲俘送

京師

皇帝命宣捷中外在廷之臣咸以為

天討既伸罪人斯得

睿謨炳曜坐見萬里踴躍跂頌見於謗詆按金川以蜀  
徼土司厥酋郎卡首作不靖煩我師旅

皇帝釋而弗誅得保其屬以延喙息不十年違信背德  
侵撓鄰土其子索諾木與小金川僧格桑相比於惡數  
出盜諸司塞落封疆吏禁之不可事聞於

朝

皇帝曰吁蠢爾不若罔念我舊恩狂悖惛昧厥罪底於  
弗赦予一人統馭方夏拯辱殄暴作臣民主往者西陲  
之師

上蒼眷佑耆定厥黜予惟用武不究故貸金川之誅歷  
有歲時迺弗悔禍世濟其惡予又曷敢襲假寬大以弛  
國紀於是聲罪肆伐翦定躉拉進討促浸會師期久淹  
功未即底

皇帝乃命阿桂為定西將軍豐昇額明亮副之誓士申  
律分道並進稟受

聖策所嚮克捷期門佽飛之材吉林索倫之衆挽強破  
的一當千百靡險不砥靡堅不頽其糧糗芻茭之費悉  
出

內帑不以銖黍累民故秦隴巴蜀兵過之地里閭晏如  
成功之日策勦振旅

皇帝行勞還之禮三輔之民環

郊臺而觀聽者駢肩疊跡親睹盛事無不欣喜抃蹠  
神武於燦為從古所未有然而

聖主如天之德所以曲宥頑梗至再至三而後張我撻

伐者豈欲以恢廓邊域昭示功烈乎哉蓋弗獲已也周之宣王伐玀狁平淮夷其地皆近在封域以内而其時臣工為詩歌播在雅什垂示後世况今

皇儀赫濯威澤宣暢方之六月江漢之事度越霄壤臣末學新進才質淺薄不敢以著作上睎古人而世受國恩綴秩省披凡

綸綺渙發幸得窺見崖畧歡抃之下懷不能已遂不自揆量謹撰平定兩金川雅三篇敘述茲事始末庶幾竊附於導揚之義云爾

搥鼓用武也。酋聞于蜀鄙。王師討之，破美諾也。

搥鼓彭彭師于岷江出自桃關于邛子驥匪我興師。首跳我疆。

皇武有赫譽是蠻方。一金川之首齒諸土司有蜀之鄙。我鋪我麋突其藩維。二惟趨拉是欺阻塞大化六師是移。或號于林我師救之或蹶于機我。

皇宥之六事毋違謂匍匐恐後小大率從以載以覆。三謂地既載不汝有殆謂天既覆不汝有疚易危而安匪人。

則獸昔也仇讐今也婚媾

四章

惡木之陰弗刈則蘖蠕

之喙角噬于穴于穴于闔吏莫之遏

維州之謠實為我

賊

五章

我武滔滔有旗有旄師出自西

隳其崇碉我武洸

洸有芻有糧師出自南掩其封狼

六章

汝音曉曉汝趾趨

趨老雄在檻首逋以逃師入美諾定大板昭悉猶卷蓐

蓐

毋或驩以呶

七章小金既平莫我敢櫛反側既寧百蠻震

驚蒐我軍實厲我戎兵

命我師武巨憝是懲

八章

鈴符將軍阿桂受

策進討遂克勒烏圍武功

卷之三  
將成也

鈴決之符皇皇

帝謨肇域彼

皇圖率俾海隅威以弧矢罔不伏以趨蠹弗率教以罹

天誅一章

帝命阿桂惟汝文武總是戎旃以愾王所我惟汝一德  
汝弗畏險阻同士卒甘苦二章曰豐昇額汝攻宜喜曰汝  
明亮攻自馬尼

帝命阿桂汝作士氣我八旗子弟洵果且義三章明亮簡

卒自南徂北逾于河西日旁遂克

命豐昇額會軍西路繼勇超羣定西之助

四  
桓桓

定西

師如豐隆如羆如熊扼遜克

五  
宗

趕赴于城酋慄而驚將軍歸之一月三捷

六  
章

碉嶺嶺

如林如叢酋乘于墉我師震以攻雷車礮礮如飈

首觸于藩我師固以完

七  
章

康薩砉矣昆色擾矣既扼其

吭且鏃其翮天厭逋酋既誅既殛獻彼罪孥此其殘魄

其濡如潛酋聚而泣孽童駭奔墟其郛邑勒圍岌岌

兩陸既集不疾不徐

王師是入八章捷書夜來

叙門既開喧喧烽烽歡聲如雷木蘭于田合圍于原我部我藩頌

天子萬年

九章

師貞將軍阿桂蕩平噶喇依獻囚入覲  
慶澤  
覃洽武功成也

獸之既窮師貞有功踰科布曲至于雍中莽有伏戎既罹于罝取其殘凶一爾首纍纍歛角稽首繩之桔之及其妻與母爾曰險可恃疇為爾守爾孽既盈我赦弗又

二章上告

天子武功既成

天子受之告于

前寧

廟社是宜百神式馮刻石于學皇矣駿聲三章維郊有臺  
殷其如阜虎臣來歸在

帝左右

天子勞之衆拜稽首惟

天子明威臣力何有四章叙于西戎惟阿桂首功賚汝異

數爵汝以上公畫

紫光閣師武臣是同誕敷

文德遂橐我弓

五章

帝御于門戮俘囚以告

行慶施惠式歌且躊

率廷臣上

聖母尊號穆穆皇皇

天子之孝

六章

有德不顯有威斯怒我受

命既固耆定九圍敬弗逸以豫於萬斯年以篤

皇祐  
七

皇上七旬萬壽讚冊

釐讚九章 撷班禪祝

爾時大寶法王在扎什倫布都綱與大苾芻大聲聞衆俱諦觀震旦國土有五色雲如青蓮華冉冉而起須臾徧滿三千大千世界爾時法王即從座起伸眉合掌徧告衆等震旦國土有

大聖人具大乘性體成就不可思議功德有百萬億壽如恒河沙數無量無邊非是算數之所能知彼時人民生於其地即是極樂國土我當發願至其國土以廣長舌為三千大千世界衆生稱讚無量功德使衆生皆知

生極樂國土各大歡喜以是因緣為

調御聖人作百萬億無量福壽勝果作是言已來至震  
旦有灌頂國師以香花樂器七寶金幢具伊蒲塞饌來  
詣供養稽首頂禮而白法王曰中國

聖人與世尊各具大乘性體是一是二法王曰佛在西  
土具大乘性體成就不可思議功德為三千大千世界  
之所尊信故名世尊現

帝者身為震旦國土成就不可思議功德是為

聖人聖人與佛非一非二我今告汝以故汝廣為三千

大千世界衆生說法

聖人御世德心廣運為生民所未有是為大功德作大功德讚第一

大道在一心心法在無住性相本湛然包含德用是包含攝內外能深復能廣有五須彌山及四大海水以一手承當不費絲毫力無為非無為無相非無相一心應萬幾巍巍大廣運以此誠敬心遂示真實義以此睿智心遂示妙明義以此強固心遂示精進義是為心傳心是為法印法越千聖百王其量同覆載

聖人天亶聰明照臨在上是為大光明作大光明讚第

二

性體空明中本來無一物於無一物時其妙應萬物無  
上第一義是為大智慧以此智慧因擴充大圓光坐照  
無量際遍大千世界譬如大圓鏡於物本無著而物去  
來時自然真假別鏡唯不逐物乃盡物之理妙光含真  
如四大一無我

聖人深仁厚澤惠濟羣生是為大慈願作大慈願讚第

三

種種示法身萬物同一體於十方衆生廣作大利益一  
切有情屬蠢蠢普度中如飢之得食如渴之得飲如寒  
之得火一舉念即是皆悉為籌量發我菩提心使歸安  
樂土開我甘露門使歸仁壽世一雲之所雨須臾遍六  
合流澍普清涼是為大醍醐各生歡喜心宏願當如是  
聖人景貞式廓六合一家是為大偏覆作大偏覆讚第

四

昔聞大乘法以五百寶蓋合成一寶蓋偏覆於大千百  
萬億由旬包容無妨礙是為大神力隨法輪所轉凡有

血氣者皈依調御師各得生長理一一隨分受三千大千心至心成一念其念所傾向如臂之使指四大一毛孔如來寂勝因無內亦無外廓然具聖諦

聖人武功者定是為大威力作大威力讚第五

般若金剛法威震天人界現大神勇相降伏諸魔衆諸魔聚陰山負險育醜類蠻觸或相爭狼狽亦相附彼時諸衆生延頸乞解救勅八部天龍及衆獅象力巖忽雷電繞縛魔向空擲即時大震蕩震蕩掃魔軍衆生皆躍躍同時拔火宅如吹雪山藥一一眼開明善哉普救心

威力故無敵

聖人文教覃洽是為大開化作大開化讚第六

大乘闡宗風種種微妙義說初中後善四諦十二因悅  
可衆生心皆得未曾有宣布大法因其義最深妙天人  
悉受持讚頌一乘法楞伽照無邊八萬四千歲作三摩  
大會廣示正覺路恒河施寶筏普濟諸衆生譬如芬陀  
利榮曜七寶光遍滿闍浮提具無上功德

聖人天日之表萬國瞻仰是為大莊嚴相作大莊嚴相

讚第七

世尊身六身十方所欽仰以真實權應示三十二種圓  
滿周四大通慧具三明震動天人界威德光明曜樓閣  
及臺殿闡楯十二重香風吹幢蓋瓔珞摩尼光如是妙  
莊嚴現希有殊因三千大威儀悉具尊仰心如日在中  
天照世生光輝

聖人天人協應萬福攸同是為大福聚作大福聚讚第

八

梵天大福聚寂勝故無量以寂勝功德受無量供養以  
寂勝功德受無量讚頌是為諸福聚百千億萬品種種

吉祥事日月所升恒風雨所調順皆以福聚故普遍於  
十方在物為豐亨在人為仁壽福量所分給無不獲饒  
益宏願大成就福德盡無量

聖人具大乘性體成就大乘功德與佛同原是為無量

壽作無量壽讚第九

如來壽量品性體大根源億萬阿僧祇無住故常在如  
造化旋轉一氣周四序運無上法輪壽身而壽世若人  
行籌數過於恒河沙雖摩醯首羅猶不能盡知巍巍大  
功德大光及大慈大徧覆威力開化莊嚴相具此大福

聚各各大成就成就無量壽是故如是

聖駕五巡江浙樂府冊

演五聲引謹序

臣謹按樂府有五聲引宮以歌君商以歌臣角以歌民徵以歌事羽以歌物蓋聲音之道與政通故宣德意而美歡心通庶績而鬯羣動是以盛王之世軒襲皇猷聲振大化洋洋乎帝者之上儀流祚於無疆也洪維我

皇上奉

天出治率

祖攸行所其無逸以化成天下粵乾隆四十五年上章之歲恭遇

萬壽七旬渙號滂洋鴻休汪濊先是吳越守土吏採諺  
陳牘蓋江介海隅跂踵望

幸者十有五載於茲矣

天子乃順輿情

飭舊典春日載陽莅我南服蒸徒不煩臺館不飾而  
惠浸萌生澤濡翔泳靡有紀極焉

詢於岳牧

清問下民周遊而棟通之俾庶能有所勸疾苦無所隱  
穆穆皇皇辟然

天容懷柔百神先河後海陂澤障川續以時叙神人洽  
矣

功德茂矣

辰旂載路風雨和會魚鳥景從春田之詠驕虞東都之  
稱甫草鳥足以方八紘為郊廟哉

大德受

命五者咸備然後

睿情愉懌元音鏘鏗聲律身度宣播金石非扣槃窺管  
之所知也臣海濱下士鼓舞

昌運譬如候蟲時鳥不能自己敬演五聲引各九章隨  
廷臣之末拜手稽首以

獻其詞曰

璇璣七政齊玉衡軒雲堯日光華生

六龍時御法

天行一  
章

聖祖省方莅南紀康衢之尊

帝所賜僕我

后来德音嗣二章八風宣律闔闔開明堂鏗鏞凴牘來歡

聲動地普九垓

三章

詔俞所請

念民瘼珍臺弗御瑞觥却松雲棟牖

那居樂

四章

敷錫慶闔朝元正三靈逢涌霏祥霧

泰壇肸蠁萬寶成

五章天葩十丈形雲結

寶軾金錚鏘玉節

斗車所指羣方悅

六章二曜璧合騰天文有風自南詣

歌薰儀山藻川亩合欣

七章芝檢蘿圖演疇九長庚煌煌

射珠斗於萬斯年綿

曼壽八延洪八表壽域昌西方化人七寶光祝

釐萬里

聖德洋九

一

右宮引九章

卿雲在霄八伯慶承流翊運歸蕩平玉繩貫珠拱

穆清一

皇儀榮鏡車書一六服宣風率其秩江衢如砥候

雲日二斗牛之分執玉趨晝日三接歡賜酺

天光所照肴樂胥

三章

帝曰欽哉汝守土民之從星好風雨名父杜母

朕慶汝

四章

帝曰勗哉師武臣吳戈越甲飈霆震

天威景饒揚崑崙

五章

帝曰嘉哉爾多士東南翹材英築美輶軒採珍貢

天子

六章

入疆考叢治行彰蓼蕭

錫祉譽有章小廉大法悅且康

七章

紳佩峩峩觀南服皓

首龐眉

眷耆宿歲寒枝老春風渥

八章

賞延澤暨滲液滋拜手稽首歌

緝熙日升月恒天保詩

九章

右商引九章

吳人越人隔江語自我耕桑在南土

惠我南土

翠華五章

青旗來矣淮之濟轅童壤叟歡闇闇鏡波千里江南春

二章幼農錫羨古無此普免輸將億萬秭

壽以政年廣蕃祉

三章

農祥有慶青陽敷

屬車所過寬其逋府帖又罷今年租

四章

蒲柳陰中麥風

熟黃雲堆隴高於屋水田萬頃秧針簇

五章

湖蠶浴澗澗

水香一眠二眠勤採桑願為黼黻登

天闕

六章

里中三老頭如雪粟帛携歸脚整躋喝喝兒女

燈前列

七章

我有子弟歌佩衿魚魚雅朋盍簪泮宮之

芹揚頌音

八章

東南都會地膏腴銅市鹽池惠商賈澍雨

需雲自天普

九章

右角引九章

持維紐綱御四極斟酌元化洽

明德襄時之對奠南國

一章巨靈導流迎天吳蒼龍蜿蜒

安福艤維禹之績闡

帝謨

二章

黃樓百尺波光映宣洩陶莊順其性雲梯直下

河流勁

三章

金隄屹立蟻穴封木龍水誌平成功年年奏

報淮南

四章

豐勾陳翼衛趨靈瀆儀考安流歲功速千里

朝宗慶河復

五章

鹽官築隄瞰海亹茭塘歲久浪齧痕甃

以石齒蛟鼈蹲

六章

蓬萊宮闕湧晴旭水犀三千陋飛鏃

迎潮曲譜迎

鑾曲

七章

神祇秩祀牲醴芬水衡之錢發萬緡來觀厥成

翼命申

八章

登封不尚云亭禪

恭德乾衷致清晏

一豫

一遊

徵夏諺

九章

右徵引九章

川珍岳貢萃

地靈貞符繙

豫揚景星麟

儀鳳師遊

帝庭

一章

黃圖沃野號天府

兗州漆絲產桑土

泰山之雪

六合

二章

雨大江東注百寶潛

惠山蜀井雲腴甘巖花

萬

片春潭潭三聖湖烟雨蘇隄曉三竺雲峯翠螺繞萬壑千巖發

天藻四章鍾山蒼松千尺鱗樓霞凌空抽碧峋仙人樓閣

瑞草春五章江村種桑桑已滿家家春晝繅車緩雪繭堆

籠大於盃六章來牟翻犁吹牛風春泥一撥開牛宮其雨

其雨歌三農七章東箭南金五都匯熬波出素利陸海泰

媯龐鴻育轂載八章

皇澤亮藻逮漏泉百昌豐阜歌有卷春臺普慶祝

萬年九章

右羽引九章

聖駕六巡江浙頌冊謹序

臣聞八音出震東皇開珠緯之符五色榮河南紀迓玉  
書之駕溯自丹林翔鳳徵元扈而揚蕘翠水游鱸協靈  
祇而賚券乾坤維絡黃魚天乙之壇風雨會和白澤岐  
陽之鼓雲螭翼軫觀萬玉於鈞臺月駟驤塗禮百神於  
壺嶠莫不梯航山海經環依會極之居球輿車書輿蹕  
莅巡方之館若夫九瀛仰鏡八表拱樞輩大德為福基  
懷至仁為壽寓奉三出治法昊緯而廣生御六乘時體  
乾元而健運王省惟歲用敷錫厥庶民帝與以齡俾緝

熙於純嘏蘿圖襲慶應萬八千歲之昌期芝檢登封軼  
七十二君之故牒煥矣皇王之鴻範美哉天地之上儀  
自古誠稀於斯為盛欽惟我

皇上道矩從心化綱在宥闡苞符於河洛星雲凝紫府  
之輝宣聲振於垓埏嶽瀆萃黃輿之秀先  
天奉若有血氣者

尊親率

祖攸行丕顯承哉

謨烈山河兩戒斗槎徵崑極之源日月重輪璧水麗橋

門之色畢箕昏旦協風人雨人之謀章亥縱橫歸燾我  
載我之宇矧夫薰扉雲牖愜鎬賞於有那露晞烟塍軫  
幽圖於無逸鰣水鷺林之地四極四和鯨鐘夔鼓之辰  
一遊一豫自昨歲濬遼

夙駕薦馨祇告

三陵粵上章吳越

廻鑾望

幸適符五載彤闈奏凱

俞壘吏之陳詞黃閣宣綸採郊毗之臚諺蒼龍負輶乘

一元首甲之祥綵鳳銜旂諭三日先庚之吉春敷奠葉  
杓建始而開韶閏紀桐華笑歸餘而衍泰光明不夜燈  
輶迴若木之輪馥郁非烟葩蓋翊豐隆之轂山川黼藻  
寫虞軫而諧風爐壤膏腴普堯尊而飲德先河後海厪  
宵旰而奏平成下隰高原

問雨暘而懷解阜閭闔稌忝効農

惠逮於屢豐臺館茅茨

飭吏訓申於重巽餘糧棲散驂駒勿躡前驅庶老遊衢  
繒帛悉攜後乘瀛州冰泮渚宮開紅杏之園德水波澄

馳道繞綠楊之郭岱宗詹魯申禋少昊之墟海表雄齊  
政禮天庭之庫聽金絲於孔壁古檜臨風陳俎豆於殷  
樞靈著潤雨沂童六七觀禮器而習雍嫋闕黨三千被  
奎文而增美富官司龍鳥烟深鄰子之居井里桑麻春  
滿滕侯之邑射陂漾采曳匹練於晨霞璧社流輝耀明  
璣於夕月蜀岡晴雪花光香岫之臺瓜步春潮樹色錦  
江之寺城名鐵甕樣舟逢玉局之亭谷號銅阬試茗過  
錫山之院獅林拜石得畫趣於烟雲虎阜聞鐘證禪心  
於花竹金闔樓堞蕙蘿春樹人家玉海峯巒掩藹香燈

佛閣寒山吹瀑風泉則千尺跳珠靈嶠飛雲月峽則七  
盤銜鏡漁歌樵唱答笠澤之波濤茶鼓餳簫度鴛湖之  
烟雨一丸螺髻路遠吳山百丈虹衝天臨聖水東西夾  
岸平分月鑑之奩南北高峯對峙雲鬟之座珠宮貝闕  
鯨波湧出靈胥粟影蓮臺鷺嶺飛來古竺石苔斑駭蝌  
文搜宛委之書水竹檀欒繭紙想永和之帖鹽倉載駐  
雁齒橫排鮫室重臨魚鱗臺次隄增甃石垂遠計於三  
亹塘護編柴踵前功於萬礎朝潮夕汐長絀繫麟鳳之  
洲陰火陽冰巨響震鼃鼈之窟功宏事舉意美法良

天子乃瞻京口以言旋沂江懦而蒞止楚萍如斗揚舲  
浮燕子之磯官柳成行弭節下雞鳴之埭攝山雲霧現  
淨相於諸天鍾阜烟銷掃繁氛於六季

天顧惟穆

皇心載寧於是禋瑄玉而翕河

視茭捷而安堵波平激箭陶莊順澑注之宜派引建瓴  
高堰扼憑陵之勢黃樓百尺驗釅別於雲梯白石雙谼  
準洩宣於水誌禹載之功遠矣

虞巡之典備焉然後

睿慮沖和

宸襟愉懌

天文奎藻龍負字而鳳含音地寶物華川効珍而嶽修  
貢潤翠毫於墨海水立雲垂貴璇榜於書林星輝日麗  
元黃作會九章未儻文明宮徵均調八伯猶艱賡載而  
且全書踵輯延閣駢羅堂闢大觀浮玉則一峯對蠹天  
藏小有湧金則雙鏡交輝廣六藝之笙簧示百家之圭  
臬淮海江河之上別開羣玉者三

淵源津溯而餘並曜聯珠之七至若參旗井鉞畢罕辰

旌

上握戎樞親蒐軍實貔貅按隊陳靺鞨而揚枹鶩分  
屯列艅艎而結陣公徒三萬吳戈聯橫海之營君子六  
千越甲試回潮之弩用是懷來蜃浦震遏龍庭施

渙號於無疆憺

棱威於有截文治章矣武功爍矣黃韁翠麥環廣甸而  
報豐穰銀甕金船遍寰瀛而臚美瑞撫景員於益地南  
山分紫氣之曜頌

時邁於敷天左个應青陽之令神人於焉訢合禮樂所

以昭明非

聖神文武之全祿位壽名之備者孰能與於斯乎臣奉  
日抒誠瞻雲志慶昔年珥筆藉刻楮以鋪揚此日擊轅  
附采輶而抃躡謹

獻頌曰

惟

天佑

清我

皇受命合撰兩儀紹聞

三聖立極宣聰式圓躋敬萬邦惟懷

一人有慶

其一

珠囊肇啟金鏡高懸八紘戶闔萬姓糜饗

風先赤縣澤及紫泉大武赫矣至文

其二

文睂然七政齊衡

八風協律壽曜長庚靈祇大乙

玉輅乘陽

翠華蠲吉廣陞軒雲康衢堯日

其三

辰樞拱北斗車指南

信風廿四閏節重三油雲布藹膏雨霏甘扶輪丙御連

禮丁男

其四

爰蒞汶洙遄臻吳越孔思默孚

帝歌時發晴嶽排參春流滑笏岳鎮皇圖蓬壺天闕

其五

登山觀海積石導河月潮應候星瀆恬波萬靈助順六  
幕同和節宣啟閉平秩作訛

其六

清問既勤

宸游斯愜勅幾益虔行慶胥協封事宵批品官畫接繼  
述

前謨昭示奕葉

其七

歲功孚甲義曜賓寅景運函夏醸化

宴春

教思敷命

壽愷作人臚陳謠謡仰荅韶鈞

其八

熱河志告成進表

乾元握紐九畿環紫塞之垣

辰極恢絃三輔拓黃圖之版宅神臯而納爽別開薰館  
於

仙莊臨朔野以綏邊肅奉秋田於

御蹕環興安之萬嶂皆成采甸之疆導武列之三源特  
敞梁鄒之園控膏腴於左部躡擅金湯政形要於中京  
圖陳竹素通都四闢提封連大漠而遙載籍重編數典  
記溫泉之舊坤維壯色壁府騰輝竊惟景緯初分聿區

斗野廣輪肇啓爰列裨瀛周官載記職方班志詳疏郡  
道徵實則歲時入記訂疑則風俗成書體裁並侈於曩  
篇規制相沿於雜志然而龍沙遠界猶仍荒畧之名雁  
塞層開孰究邊隅之境築長城於徼外秦家之讓地已  
多通屬國於寰中漢室之分疆亦隘况乎炎基東造幕  
南不入方輿晉祚西遷冀北胥成外域郝且諸蕃之內  
徙稱邑頻間鮮卑列部之分雄建庭漸逼逮乎慕容立  
國營都邑於柳城拓拔開基置安州於松漠而光壽建  
熙之後變故相仍孝昌武泰之間淪胥益甚是以前後

燕之州郡舊鮮微名東西魏之地形每稱寄治齊周隋  
三朝遞嬗紛爭常在龍城奚契丹兩部同興錯處並依  
狼水唐設羈縻之府領蕃族而多淆宋修交聘之儀錄  
行程而未備蓋居檀薊平諸州之外詎能深悉方隅即  
在遼金元三史之中亦但麤傳經畫降自大寧之棄適  
當永樂之初割裂土疆盡入朶顏三衛摧殘兵燹全虛  
富峪四城叛竇久限於邊牆甌脫頓荒於戍壘歷稽簡  
牒殊方並阻幽遐邇溯垓埏

今日同臻熙皞欽惟

皇帝陛下

功參覆幬

治茂登咸吹玉琯以誠和海寓應同風之律握瑤樞而廣運星階聯拱斗之符辨位正方仰

神謨之首出象功昭德紹

景運之丕承昔在

太宗肇龍興於諸部粵惟

世祖奠鰲紀於中區遂使玉障之封悉隸金城之宇我聖祖仁皇帝綏懷藩屬整飭邊防值久安長治之時屢

肆武習勞之義攬烏桓之舊壤屢

駐文軒包白霄之雄疆特開

仙籞揭雲霞之煥爛當年

寶翰長留經雨露之涵濡茲地編厘益聚我

世宗憲皇帝際承平之統增理事之官上塞輿圖悉隸

神州之籍諸藩部落咸趨尉吏之符我

皇上膺下武以承麻纘

前文而展義

龍光歲觀期門羅七萃之儀

鳳葆時巡仙館

駐六飛之駕每清塵之載道當滌暑之佳辰林巒則秀  
本天成亭榭則靈由地獻祥葩秀草皆符  
對育之襟瑞獸胎禽各繪恬熙之象愜

宸遊於三十六景豫奉鳴鑾陳王會於億萬千年歡臚  
輯瑞於是典陳表貉禮舉行畋羽騎齊陳獵場載啓金  
鞍耀日拂寶駿之三花玉纛捎雲映高牙之五色騮寥  
天之露重正逢呦鹿之辰乘廣漠之風高恰應祭羆之  
令鴻絅蔽野排隊伍之森嚴虎落連山括岡巒之起伏

仰

天弧之親挽百中稱神瞻

御軖之遙臨三呼効響加以

威棱臺播風動深池疆索宏開路逾瀚海慶雪峯之底  
定琛玉盈庭欣月龕之來同鑠鍔合部習朝儀於  
行殿封崇五等之班隨

法仗於和門

命扈三驅之典洎夫

皇風普鬯佛日遐輝祝

寶算於中天演法輪於後藏者闡跋利通紫漠而徠賓  
兜律伊蒲譯丹書而獻

壽頌

曼殊之功德慶洽聲聞廣震旦之宗傳懽陳舞蹠若乃  
封陲廣衍版籍充殷貨別千場居環萬井名都對郭金  
墉分緊望之區上郡專城繡斧轄旬宣之使拓三邊而  
建治統壹旗廳聯七屬以宣猷肇新州邑俗安耕鑿家  
餘高廩之儲化盛絃歌戶有橫經之彥育普義於阿潤  
璧水澄輝擷芹藻於宮牆金絲叶奏

寵頒上舍捧縑而喜溢黽門，額定賢書握槧而懼騰蕊榜，際風聲之不洽宜簡策之旁徵爰。

命廷臣肇修輿志俾搜羅於文獻用審定夫幅員前茲副稿臚

呈已編摩之畧具繼以

綸言指示期辨訂之加詳益邊徼之羅分傳疑最易而舊聞之引據襲誤尤多在漢史唐書未及通其疆域即桑經酈注何由晰厥源流是以滻水要水之沿謠奉折

衷於

宸斷灤河熱河之派脈經考證於

聖裁大綱既得所遵循餘類各加之採訪臣等學疎汲  
绠職忝操觚

朶殿趨蹻幸

光華之近被

旌門侍從欣典禮之親瞻爰披志籍以研搜更集圖經  
而校勘山川風土敷陳悉據

奎章甲乙丹黃刊削謹承

欽訓二十四門州居部次期鉅細之無遺一百廿卷類

別區分庶初終之畢貫繩

天題於軒籞文成紀綬之華敷

聖藻於虞絃響叶韶韻之奏

省方問俗頌時邁以編年率屬歸誠紀綏來而會極陳棟宇經營之制樂文圖於靈臺美山林蕃育之陬陋周京於甫草辨疆隅之分合越幽并而疊按經涂考建置之異同溯秦漢而歷尋障塞畧影星圖之遞驗燦若列眉山經水誌之旁搜瞭如指掌幸烝髦之蔚起治煥同文偉庠序之崇開規詳立學環衛重屏藩之守別舊系

於茅封勝因閼刹宇之名剏新模於蓮界設監樹長統  
臂指以承流置邇分營寄爪牙而飭備釐姓名於近牒  
仕籍駢羅徵治行於陳編宦遊踵述人物則風謠尚朴  
士女貞良民材則食貨居先農商樂利至若嘉生庶殖  
共入品題與夫廢壘荒墟俱經摭拾故事分詳歷代例  
起於兩都外記徧錄羣雄名傳於各部彙羣言之斧藻  
式彰能賦之長集往哲之緒餘亦備洽聞之助淹期載  
筆媿牋素之難窮計日成編幸汗青之甫就撫金甌而  
紀盛頌綜括乎亥維章步之墟紬石室以探奇欣擴充

乎錐指管窺之識麋丸虎僕新成益地之圖馬服龍庭悉耀

光天之治考酉陽之輿籍襄地志於繢綃荷

乙覽之親裁錫

天言而弁冕伏願

頒垂冊府宣示藝林賅形訓於九瀛擴寰宇太平之記待甄羅於四庫備

熙朝廣內之儲庶幾邁邱索之奇編圖增白阜入瑯嬛之秘錄字煥丹函

皇清開國方畧告成進表

國家純祜懋膺丕基永建巍襟壇而啟

聖朱果徵祥鑾邵室以凝休白山肇迹雲雷締構揚九  
寓之洪暉日月光華綿萬春之懿貺惟

列祖之貽謀實裕斯

一人之繼序彌殷我

皇上

世德作求

前光允迪

橋陵展孝

辰旂祇詣

留都姬篋垂型

乙夜頻稽

寶訓冠皇王而作頌規模誌全韻之吟

飭史館以分編方畧重成書之紀竊惟古者宅中受命  
運有乘除更姓造邦事兼守創雖克綏厥猷惟后而率  
土之濱皆臣史臣多上善於君先聖每懷慚於後三代  
以下已難如武之與湯一統之歸莫正於元之代宋矧

我

朝鑾分東土 楊拱北辰本非裂地以封久已承  
天之眷溯成邑成都之漸再造越千五百里而遙稽卜  
年卜世之期養晦至六十二年而後

太祖高皇帝奮揚勇智肇造艱難七傳之緒初承

二祖之讐未雪赫怒整圖倫之旅甲祇十三裏創揮棟  
鄂之戈丁惟五百罪人斯得八表踵而向風戎醜攸行  
六師過而如雨直能勝曲少可禦多五日之間先後殄  
四十萬衆三河既下大小收七十餘城蓋自九姓翦除

以還洎乎

兩京營建之始

大武之烈遠矣同文之治基焉

太宗文皇帝式廓隆規闡揚

聖緒展神旌於北部地靈呈玉璽之祥馳義旆於南荒  
天險聳冰橋之固兵非得已受降則令肅秋毫盟不可  
渝聲罪則威宣夏服迨至松杏之屏藩盡撤幽燕之唇  
齒全寒邊臣負固而未能使者乞和而已晚乃復宣昭  
義問備申講信之本懷愴惻

仁言與遂好生之初念是惟堂堂正正式揚

王者之師故能繼繼承承克肖

聖人之德暨我

世祖章皇帝冲齡踐祚

峻命培基治定功成禮明樂備信乎得位得名之理共  
覆載以無私可久可大之模與河山而並壽者已臣等  
忝司載紀恭預編摩仰

佑啟於

前寧欽紹聞於

卷二  
三  
幾暇

特筆記勝朝之殘號附書墜緒於一年

殊恩揚前代之遺忠分定易名於四字凡此共見共聞之

聖度皆本善繼善述之

孝思况夫義炳琅函勲垂寶笈間蒐稗乘彼明臣早憎威稜旁引管窺在外服尤銘

恩澤有典有則謹依

三朝實錄之遺是訓是行允冠四庫全書之首三十二

丹成編咸備

軒紀常新五十一年大衍重開  
羲圖無量伏覩堯咨舜儆觀

家法於羹牆文顯武承闡

心傳於豐鎬慎厥修而思永括典謨訓誥以無遺久於  
道而化成俾子孫臣民之攸賴

井福堂文稿卷二